

Cu 84 proyecto pendiente ainda rond di Aruba

Gobierno ta premira cu proyecto di tram lo ta cla pa dia 15 di december

ORANJESTAD – Gobierno di Aruba a anuncia cu e trabaonan pa loke ta e fase final di Caya grandi, definitivamente a inicia. Ya caba e railsnan ta full poni y ta proyecta pa dia 15 di December e lo ta completamente cla. Prome Minister di Aruba, mr. Mike Eman a comenta cu e proyecto aki tabata encera un trabaño hopi grandi, manera cu comunidad por a mira, cu a consisti den diferente fase. E fase di trabaonan di infraestructura, den profundidad di e tera y bao di e carretera di caya grandi hopi infraestructura a wordo poni. Segundo fase tabata e fundeshi y e railsnan pa e tram por haya su caminda for di Waf te na final di caya grandi. Prome Minister a felicita tanto minister Sevinger y director di DOW, Sr. Jossy Figaroa.

84 PROYECTO ROND DI ARUBA

Segun e prome mandatario, a wordo edifica un biaha mas den e siguiente fase di un proyecto hopi importante. Awor aki gobierno ta bezig cu 84 proyecto rond Aruba pa trece e prosperidad, cambio y mehoracion di calidad di producto Aruba den cada bario, na cada scol, na cada carretera, na cada rincon di nos pais pa asina Aruba por conoce e cambio y mehoracion cu nos pueblo merece. Pa gobierno ta importante cu awe por ta para na pia di e inicio di e ultimo fase pa e renobacion di un centro historico, e centro di pais Aruba caminda cu Aruba a conoce un desaroyo importante cu añanan a bay perdi, a deteriora y awe ta conoce un renobacion grandi, simbolizando tambe e renobacion di pais Aruba, Prome Minister a enfatisa.

150 TURISTA EXTRA

El'a comenta cu comunidad tabata warda riba e momento aki. Awo sigur por ta lo bay cuminsa mira e final mas cerca. Gobier-



Prome Minister Mike Eman.

no ta compromete su mes pa pone maximo esfuerzo pa por realisa esaki, pasobra kier pa e trabaonan aki ta cla cu a habri un año hopi prometedor pa loke ta trata turismo di Aruba, economia di Aruba. Na e momentonan aki despues cu mundo a conoce tur e proyectonan cu gobierno ta trahando riba dje pa renobacion y e calidad di producto Aruba, incluso e parti specifico ey di renobacion di centro di ciudad cu e infraestructura special y embeyecemento di caya grandi a haci cu esnan cu ta maneha e barconan mas grandi, crucero na mundo, a dicide cu nan a pone riba agenda pa 2013 150 mil turista adicional pa yega Aruba otro año, hustamente den tempo di off season cu normalmente mey y october cu no ta haya hopi crucero. Esaki lo trece pa Aruba riba 800 mil turista di barconan crucero pa otro año, kibrando un record di Aruba pa henter e periodo cu nos a conoce y industria di turismo crucero.

CAMBIO

Pa gobierno e ta algo hopi grandi cu proyecto asina formando parti di un vision formal ta yega e fase aki cu un gradicimento na e pasenshi di tur esnan den centro di ciudad, tur e tiendaan cu a pasa naturalmente momentonan directo y ainda tin esaki, pero na final ta pa un producto cu tur por ta orguyoso di dje. Despues cu a conoce 8 año di deterioro di e calidad di e producto Aruba cu no tabata tin inversion

tabata prefera di tuma fondonan publico pa huur edificionan di amigo y famianan, tabata coy fondonan publico pa paga miyones di florin na abogado y asina Aruba a pasa añanan di deterioro, a bin un cambio.

VISION

Pueblo a pone confiansa den un vision nobo y awe poco poco, bloki pa bloki, piedra pa piedra, energia y esfuerzo ta keda demostra cu e vision nobo aki ta edificando su mes den scolnan nobo, barionan nobo, ca-

mindanan nobo trottoirnan nobo, centronan di ciudad renoba y naturalmente tambe un mehoracion di inversion den un reparatietoeslag pa yuda nos personanan cu tin un entrada mas margina. Un aumento di bijstand pa yuda esnan di menos recurso, un schoolkinder toeslag pa yuda famianan di menos recurso. Un ayudo pa henter nos comunidad. Un reduccion di BBO di 3 pa 1.5%, cambiando e enfasis di amigo y familiarnan pa pueblo y pais. □